

TUS MOB HANTAVIRUS


Hemorrhagic Fever with Renal Syndrome

(Dobrava, Hantaan, Puumala, Saaremaa, or Seoul virus)




Hantaviruses yog ib tsev kab mob muaj nyob thoob ntiaj teb, uas kheev yog pom muaj rau hauv cov nas. Nws muaj ob hom kab mob hantaviruses: hom kab mob Ntuj Tshiab (New World) thiab hom kab mob Ntuj Qub (Old World). Hom kab mob hantaviruses Ntuj Tshiab yog kheev pom muaj hauv cov teb chaws Americas thiab ua rau muaj tus mob hantavirus pulmonary syndrome (HPS) rau tib neeg (thov mus saib daim ntawv hais txog HPS). Hom kab mob hantaviruses Ntuj Qub yog kheev pom muaj hauv cov teb chaws Europe thiab Asia thiab ua rau muaj tus mob Hemorrhagic Fever with Renal Syndrome (HFRS) rau tib neeg. Tsis hais leej twg los yeej kis tau tus mob HFRS, tab sis cov neeg uas kov tau nas los yog tej chaw uas nas nyob yog cov yuav kis tau tus kab mob zoo tshaj.

Dab tsi ua rau tau tus mob no?

- 
- ▶ Tus mob HFRS yog tau los ntawm ntau cov kab mob hantaviruses Ntuj Qub, xws li tus kab mob Dobrava, Hantaan, Puumala, Saaremaa, los yog tus kab mob Seoul. Hauv xyoo 2017, nws muaj ntau tus neeg uas kis tau tus kab mob Seoul hauv teb chaws Meskas.
 - ▶ Kev kov tau cov nas Norway uas muaj tus kab mob Seoul yog thawj qhov ua rau muaj tus mob HFRS rau tib neeg nyob hauv Meskas Qaum Teb (North America). Cov nas Norway yog cov muaj tus kab mob Seoul ntau tshaj plaws.
 - ▶ Tus mob hantavirus yuav muaj tau thiab kis tau los ntawm cov nas tej khoom hauv lawv lub cev uas tso tawm los (xws li, cov zis, cov quav, thiab cov qaub ncaug).
 - ▶ Txoj kev kheev yuav kis tau tus mob hantaviruses zoo tshaj plaws yog thaum tib neeg nqus tau cov plua plav ya nrog cua ntawm nas tej khoom hauv lawv lub cev uas tso tawm los es muaj tus kab mob.
 - ▶ Tib neeg kuj tseem kis tau tus mob hantavirus thaum kov tau nas tej khoom hauv lawv lub cev uas tso tawm los es muaj tus kab mob.
 - ▶ Tus mob HFRS kis tsis tau ntawm ib tus neeg mus rau lwm tus.

Dab tsi yog cov cim qhia tias yog tus mob thiab cov tsos mob?



Yuav pom cov tsos mob tshwn li 1 mus rau 2 lis paim tom qab tus neeg kis tau tus mob los ntawm ib yam khoom uas muaj tus kab mob nyob ntawd, tab sis muaj tsawg tus, uas kuj siv sij hawm ntev txog 8 lub lis piam mam li pom tshwm cov tsos mob. Qhov tus mob yuav rov zoo mas yuav siv sij hawm ntev ntau lis piam los yog ntau hli. Muaj ib cov mas, cov neeg uas tau tus mob yuav tsis pom muaj cov tsos mob li.

Cov Tsos Mob Uas Xub Pib

- ▶ Mob taub hauv heev
- ▶ Mob nruab quam thiab mob thaj tсам plab mog
- ▶ Kub ib ce/ Ua daus no ntxiag
- ▶ Xeev siab
- ▶ Pom kev tsis tseeb
- ▶ Ntsej muag nce ntshav
- ▶ Qhov muag liab

Cov Tsos Mob Uas Tshwm Tuaj Qeeb

- ▶ Mob ntshav qis
- ▶ Cia li ceeb/ntshai
- ▶ Raum cia li tsis ua hauj lwm
- ▶ Hlab ntsha xau

BUREAU OF COMMUNICABLE DISEASES

<https://www.dhs.wisconsin.gov/dph/bcd.htm> | DHSDPHBCD@dhs.wi.gov

Wisconsin Department of Health Services | Division of Public Health





Cov kev kho tus mob yog li cas?

- ▶ Nws tsis muaj ib txoj kev kho tus mob Hantavirus. Nws yog ib qhov uas yuav tsum tau kho tus neeg cov tsos mob raws li qhov muaj tshwm sim.

Yuav tiv thaiv li cas thiaj tsis kis tau tus mob?

Cov lus hauv qab no yuav pab kom txhob kis tau tus mob los ntawm cov nas uas muaj tus kab mob:



- ▶ Tsis txhob cheb los yog nqus nas tej zis, quav, los yog lub zes uas yuav ua rau muaj cov puas plav ya tawm.
- ▶ Zam kom txhob muaj tej plua tshauv ya los ntawm cov quav uas yog txau dej rau nas tej chaw pw kom ntub thiab txau tshuaj rau kom tua tau cov kab mob.
- ▶ Muab xab npum thiab dej los ntxuav koj ob txhais tes kom thoob plaws tom qab kov tau koj cov tsiaj yug nyob hauv tsev los yog tej chaw uas koj cov tsiaj tau nyob los lawm.
- ▶ Muab koj cov tsiaj yug nyob hauv tsev uas me thiab cov tawb uas kaw lawv tshem tawm ntawm chav ua noj los yog lwm qhov chaw uas rau zaub rau mov rau sawv daws noj.
- ▶ Muab tej tawb kaw tsiaj, tej chaw uas tsiaj pw, tej khoom me nyuam ua si, thiab tej twj tais uas muab siv pub tsiaj los yog tej uas muab dej rau tsiaj haus ntxuav kom deb ntawm cov cheeb tsam rau zaub rau mov rau neeg noj los yog kom deb ntawm cheeb tsam neeg mus da dej.
- ▶ Siv hnab looj tes thiab daim ntaub khwb ntsej muag thaum koj tu tej chaw.
- ▶ Npog cov qhov nqaij to los yog qhov nqaij khawb ua ntej koj mus kov los yog tu koj cov tsiaj.

